

雍虞先生道園類稿

三



雜虞先生道園類稿卷之二

古詩五言

題趙千里出峽圖應制

巨舟臨峽口衆工志如一各以所操濟雖危萬無失  
所憂至平曠玩肆生縱逸母俾持釣翁倚杖三太息

題滕昌祐懷香睡鵝圖應制

蒼鷄惜毛羽宛宛臥春雨兩雨餘日照沙上有懷香花  
懷香不自獻夢到金鑾殿殿池多躍魚君王方草書

護草生竹間

道園類稿卷之二

護草生竹間翠色相綉繆美人欣有託君子故忘憂  
昔聞有鳴鳳飲水來丹丘不食衆木實樂只淇園秋

高竹臨水上

高竹臨水上幽花在崖陰以彼貞女姿當此君子心  
春陽不自媚夕露忽已深湘妃昔鼓瑟悵望蒼梧岑

月出古城東

月出古城東海氣浮空濛車騎各已息宮闕何穹窿  
牧馬草上露吹笳沙際風帳中忽聞鴈傳令鼓雕弓

書上京國子監壁

神京極高寒幽居了晨夜雷風無時發零雨每飄灑  
炎光不到地蕭爽度長夏大化漠無宰豈必事陶冶  
揚雄不曉事守道栖栖者玄經百無徵白髮謾盈把  
日落次榆林東望待月出大星何煜煜芒角在易畢  
草樹風不起蛩蛩絕啁啾天高露如霜客子衣盡白  
羸驂斲餘棧楚婦泣幽室行吟毛骨寒坐見河漢沒  
驛人告晨征曈曈曉光發

續秋日梨花詩

憶三十年前與元復初參政同賦秋日梨花元有  
句云朝食葉底梨暮看枝上花而忘其後句因續  
之云

朝食葉底梨暮看枝上花花開食實後霜風振長柯  
遠水良可鑒彩雲亦易過念爾白於雪日暮當如何

李老谷

十轉山崦交九度沙磧溜始辭平漠曠稍接山木秀  
老病畏行役慰藉得良觀秋嶺晚更妍寒花晝如繡  
故園夫如何朝陽炫霜柚

上京有感次韻馬伯庸待制

翰音迎日轂儀羽集雲路寂寞就書閣者大長郎署  
為山望成岑織錦待盈度我行起視夜星漢非故處

賦水木清華亭

中流汎蘭楫望彼嘉樹林落日蕩野水浮雲生夕陰  
游魚戀芳藻好鳥鳴幽岑為樂恐易老吾將脫朝簪

詠貧士五首

目昏畏附火枯坐寒牕中破褐着絮重虛豆兼冰崇  
病骨於此時浮屠屹撐空呼兒檢餘曆記日待春風

雖欣解凍近翻驚紀年窮貫酒欲自廣無錢似陶翁

其二

老骨寒不寐夜長況聞風心悸危欲折跼蹐敗絮中  
鷄鳴當晨參馬疥芻不充山童衣百鶉喚之愧匆匆  
求火掃木葉庭樹亦已空決起不敢怠曙光屋南東  
苟遂牛馬性歸放春草豐

其三

歸蜀越關隴棧閣危登天適越河濟隔堰水丈尺間  
飢寒迫日暮舟車計茫然東家有一叟欲去初不言

早朝聽詔畢喚馬閭闔前童奴受宿戒向暖爭相先  
聞之嗔兒子我何爲汝牽履無千金買吾足安暇憐

其四

爲政貴察色讀書在研覃司視旣不明兩者無一堪  
尚不違吏責爲師固宜慙聖世無棄物況茲久朝簪  
決去豈我志知止亦所諳頗聞南山下菊根浸寒潭  
濯頤千日期冰臚復清涵老馬果識道更服鹽車驂

其五

天風夕號怒霜日殊清妍探架得古書前日手所編  
奈何視茫茫字若萬螿綠精意成寂寞惆悵還棄捐  
於惟仲尼衰清夢不復然小子未聞道何以卒歲年  
又一首答舍弟見和

蜀侯昔罹憂嶺海萬死中詩書庶不泯焉思祿位崇  
爾來五十年所以恒屢空涉世惟信道卓然立頽風  
漫仕非我能偶貧豈人窮深耕定有穫歸歎兩衰翁

觀花有感

挂巾花樹枝酌酒花樹下風吹巾上塵花落手中筇  
清唱起在壽母邊且聊暇流光急去人莫怪行樂者

赤城館

雷起龍門山雨灑赤城觀蕭騷山木高浩蕩塵路斷  
魚龍喜新波燕雀集虛幔開戶微風興倚杖衆雲散

賦金鴨燒香

黃金鑄爲鴨焚蘭夕殿中窈窕轉斜月逶迤動微風  
綺席列珠樹華燈連玉虹無眠待顧問不知清夜終

退直

月下白玉階露生黃金井疎條栖鵲寒衰蕙流螢冷  
懸闕感時康懷歸骨宵永晨鐘禁中來白髮聊自整

賦得井上桐

桐陰秋轉薄井氣曉爲霜交柯舞幽鏡墮葉響鳴璫  
高巢翠羽下澄水玉蚪藏上人從定出行吟繞石床

送吳子高

懷寶獻京國悼亡還獨歸日落雲中樹風吹江上衣  
湘靈瑟在席織女石支機遠道多寂寞強飯勿相違

賦紅梅

白雪不成夜丹霞遂崇朝妙質承日映飛英向風飄  
醉來紅袖近歌罷絳雲消揚州問何遜何似董嬌嬈

新治亭

公宛治亭暮蕭條江南秋汎覽山河外張樂鳳凰丘  
公子飛翠蓋美人回綵舟從茲至黃髮樂哉以忘憂

題儋耳東坡載酒堂

翳翳儋耳城歷歷枕椰樹百年遺故丘新堂設賓阼  
清風海上至朝陽在庭戶丹山五色鳳覽德屢來下  
甘辛熟桂酒羅列雜諸蕢符黎多孫子食飲祭先具  
蛟龍波浪深歸來風雨除

鑿井得甘泉渴者恒自私流潤不擇地委順復何疑

海南絕風雨水水况華滋鄰舍解讀書諸生還誦詩  
何必懷故都聊樂宜在茲星河度白鶴山月懸蛾眉  
來晚去何速勞人千載思

盜發亞父塚

彭城有盜識寶氣於亞父塚上發之得一劍云

盜發亞父塚寶劍實累之塚開寶氣盡獄吏書盜辭  
盜言唯見寶寧知亞父誰項王不相信弟子遂與尸  
黃腸下深錮千歲復何為大河繞城東落日在城西  
過客立城下踟躕望安期

題商德符學士畫



方士好服食商山多紫芝采之長松下濯以清澗漪  
滄涼百里內秦皇都不知駕舟載男女築宮東海涯

贈藝監小吏

廣術何迢迢榆槐蔭蔽之鼓鍾晨暮起車馬中間馳  
此有癡居者閉戶教孤兒十歲學文史十五從吏師  
丹青出天性落筆有令姿藝監取材伎小大無一遺  
署兒笥庫下祿薄不足爲手持一束書求以慰母思  
告兒勿薄吏公卿出自茲請看孟氏里軻母自有祠

題吳興趙公畫蘭

道園類集二

七

春風動蘭葉庭戶先陸離言收竹上露石角掛綵衣  
車行不擇路萊苴何楚楚遊子憺忘歸徘徊歲云暮

送西臺治書仇公哲

陝郊得時雨生意始來復存者事稼穡還者葺墻屋  
安知凋瘵餘政可致新福闢除正廣術區井表深瀆  
均齊定恒志忠厚保敦篤豈無憂世士受仕在芻牧  
爲義苦多違好名常不足治書肅將指善類庶有勗

日出行

日出上城府日晏當蚤歸城門已擊柝出郭何焉依

下馬投館人空垣月當扉涼風振庭樹巢鳥屢驚飛  
起坐搔白髮忽如霜草稀周公不復夢仲尼故沾衣  
老來有孺色傳聞唯食薇求之事已晚徘徊行道微

贈治冠者

車馬入隘巷言尋治冠師反關不受客高坐哦書詩  
布衣不掩脛書食甘藿藜冠成動經歲不售亦不辭  
我少好文章把筆無不爲愧爾爰寂寞慎與當自茲  
贈寫真佟士明

佟郎居上京閱人如風花拈筆寫其似千歲留英華

邇來七十年將相紛在目來者有如此往者那可續  
昔我初北遊面白鬢如鴉點染煩粉墨華星映丹霞  
今如雪中松苦硬雜蒼白却視當年容邈如不相識  
不識當如何臨風且長歌黃雲接河漢白雪漫坡陀  
乞身願歸老吳蜀山總好贈君千黛螺翠色秋可掃  
寄陳衆仲助教上都作

學省足清晝詞垣驚蚤秋美人隔河漢落月在高樓  
持衣未成曲吹笛不勝愁還趨鵲觀別製鷓鴣裘

題商德符華山圖

昔祠雲臺館行穿御階栢夕陰嵐氣深重碧照行客  
獨訪張超谷漸覺巖險迫冰生玉井頭日射仙掌側  
豈無鐵鎖懸翻身若飛鶻恐煩華陰令不奈昌黎伯  
王事況有程車馬何忽忽流觀終南山周覽天府國  
爾來十七年欲往不再得山河想邈悠傷殘轉蕭索  
摩挲商老圖彷彿希夷宅高哉蓮華峯白雲澹秋色  
贈鐵庵道者二首

昔遊雲臺觀山色上衣青松花春雨落栢葉秋露零  
飢來煮白石睡起看黃庭人間忽已老莫問少微星

其二

海上別妻子山中求茯苓白虎戲玄渚蒼龍護黃局  
燒香招五老行厨庖六丁從子似非遠丹霞粲華星  
酬上清道士鈔陰何詩

殘雪松上落輕冰硯裏生高詩過夜半歌枕到天明  
少陵愛何遜太白似陰鏗不愁勞弱翰亦足助高情  
題李漑之學士白雲半間

山中多白雲何由到城邑招之恐不來欲覽遽無跡  
栖檐候晨光納牖作秋色用沖不爲盈常住寧若客

分張任蒼松散落還白石日照香鑪峯月射仙掌側  
有恩封一鄉與子當共食

爲范尊師賦雲林清遊

大茅千仞下結屋三四楹雲生戶牖潤鶴去海天平  
坐上發長嘯人間聞玉笙斲苓春霧重煮米晚烟輕  
綠室噓丹氣蒼崖受日精樵遺伐木斧真降引霓旌  
九鼎金還就千齡樹不傾問誰解居此云是范長生

題吹笛圖

白雲悠悠去長松披高立匡坐吹笛人似是馬督郵

飛鴻遺哀響幽泉發春流女樂亦何有消搖以忘憂

送甘以禮調官歸鄉

甘君有良材於政無不宜白頭郡縣下尚覺非所施  
奈何筦庫冗而可絀吏師豈直名吏師積學本書詩  
高情抗浮雲廉節濯清漪君子安所遇固無喜愠辭  
嗟我忝從官簪筆恒殿帷竟無國士薦徒稱故舊知  
晚歲向田里藜杖相追隨尊酒以怡老未爲負明時

送李彥方闡憲

文監李公彥方出貳閩憲同朝羣公皆賦詩以爲

贈彥方屢擢臺職激揚之宜有不待予言者適有一事深有感於愚衷先正魯國許文正公實表章程朱之學以佐至元之治天下人心風俗之所係不可誣也近日晚學小子不肯細心讀書窮理妄引陸子靜之說以自欺自棄至欲移易論語章句直斥程朱之說爲非此亦非有見於陸氏者也特以文其猖狂不學以欺人而已此在王制之必不容者也閩中自中立之歸已有道南之歎仲素處中至于元晦端緒明白皆在閩中不能不於彥方

之行發之去一賊吏治一弊政不如此一事有以正人心儒者之能事也集臥病目眚本甚援筆書此云

七閩去天遠顛連苦無告牧人受深寄昧者覆爲暴犀象雜金貝饑渴劇飲膏大言相鄙夷鬻奪心自校豈無循廉吏實病黑白撓聰明屬旒黠聽瑩資所到李侯金閩彥圖史擅讎校晨聞大夫奏夕理武夷棹君子慎脩職寧適豐廩稍蕉荔甘多毒薑桂老堪毛所懷延平翁揚休似明道授受有源委精微足深討

言立聖如在表正愚可造師匠久不興真妄如枘鑿  
云何謂支離肆誕長克傲異言古所誅末學足深悼  
閩雖在海隅前聞此淵奧正誼從簡編良俗宜善導  
贈言不及它持此永爲好

題鄭秀才隱居

陶翁昔好菊荒徑不暇鋤素琴初無絃名酒亦屢虛  
雖有二三子薪水不讀書淒涼千載下高名將焉如  
不如鬼谷洞鄭子樂有餘種菊以爲田田中更爲廬  
善藥不二賈詠觴送居諸有子揮五絃涼風在庭除

時來青田鶴亦出濠梁魚昨者遊京師侯門曳華裾  
奉檄忽一喜翩然告歸與芳蒲采甘露玉漿釀清醕  
老父坐堂上稚子具籃輿晨遊南山陞暮濯清水渠  
席間撫猗蘭房中誅關雎以此得高壽何必南陽居

題朱邱竹木

猗猗淇園竹結根盤石安枝幹相扶持風雨不可干  
其實鳳所食君子思保完恒恐聲影疏蕭條霜露寒  
金玉慎高節千載承清歡

詠史

軒后邈已遠漢武亦雄哉荒忽九州外百年過烟埃  
變化庶長久臨海築層臺黃金靡鏤飾喬林摧斷裁  
樂通竟先死孫卿殊未回不知作者意空今來者哀  
奉盤汝繁露馳道殷奔雷志氣昔所在風雲恒往來

賦蘇伯脩滋溪書堂

滋源恒伏流春雨川乃盈林疇廣敷潤草木俱繁榮  
臨深見游鯈仰喬有鳴鶯君子樂在斯齋居托令名  
積學抱沈默時至有攸行抽簡魯史存采詩商頌并  
禹穴追馬公湘江歌屈生紉蘭不盈握伐木有餘情

浩然欲浮海歸與還濯清方舟我爲楫白髮愧垂纓  
送張兵部孟功巡河分題得屋上烏

花發上陽春門開未央曙城柝起羣栖流光散朝羽  
息影須近檐結巢願當戶鞭轡轉金井終日灌嘉樹

題彭澤陶氏家譜

百甕在戶牖五柳當門前燕去王謝宅人依墟里烟  
述德尙千載人情猶昔年以安遺孫子高哉爲世賢

步虛詞

步虛長松下流響白雲間華星列燿火明月懸珮環

肅然降靈氣穆若愉妙顏竹宮淡清夜望拜久乃還  
其二

稽首望太霞離羅間層霄細縕結冲氣要眇出空謠  
前參干景精後引務猷收攝衣上白鶴招搖事晨朝

其三

朱先出東海高臺近赫曦六龍獻陽燧九鳳保金支  
鍊丹軒轅鼎濯景崑崙池拜賜冰玉佩玄洲共遨嬉

其四

學仙淮南王問道劉更生三年鍊神丹九載凌上清

日月作環珮雲霓爲旒旌回首召司命靈雨灑蓬瀛

答胡士恭二首

王母昔賜我一雙白玉環懷之四萬年恒在胸臆間  
偶因朝木公識之爲開顏忽然化黃鵠飲食崑崙山  
漢武好神仙多欲心不閒所以至太液遂從白雲還

其二

鵬運候風信龍起從雲飛神物本無待感類相因依  
高人服金丹質化識者希引睇貫霄漢倏忽歷九圍  
駕言清秋鶴同承太陽輝何期老鍛翮素心竟成違



哀陳董子

南山有鳳雛飛來上林樹  
祗承朝陽輝不食秋夕露  
珠零海氣盡壁毀月光曙  
巫陽不能招荔丹滿洲嶼

雍虞先生道園類稿卷之二

雍虞先生道園類彙卷之三

古詩五言

題汪華玉所藏蘭亭圖

衡茅負晨旭有客至我門共披會稽圖山木盛繽紛  
衆賢坐水次飛觴汎汎夷曠各有趣高閑知右軍  
幽情付後覽陳迹感前欣悠悠千載來不異更旦昏  
探穴問神禹望海悲秦君逝者皆如斯死生固奚云  
所以鼓瑟人思從童冠羣春服諒新浴歸歎聊永言  
撫卷不知老遐思在茲文東南極積水日暮多浮雲

道園類彙卷三

一

寄題曹元賓尚書臨流圖

昔聞適炎服中道臨清漪瀟瀟蕩荒日悠悠動寒颼  
來者何滔滔逝者不可追聖有川上歎晝夜固如斯  
解纓手自濯浩蕩忘險夷高人今摩詰萬里同襟期  
抽毫寫幽思帶雨更題詩三年及田里春河釋冰斯  
舟楫繫野樹灌沐晞晨曦上堂喜懼集艱辛謝親慈  
入室換野服登山采靈芝庶以永年壽豈惟療朝飢  
開囊見舊物感慨深繫之歲晚金石友看雲立多時  
憐我不共看寄言令我知來鴻春苦早去燕秋易衰

道不相覲加餐慰遐思

清明山房詩爲危太朴作

矯首望太清正色蒼以玄皦皦何歷歷日星高轉旋  
游塵雜氛氣起滅尋丈間容光見擾擾孰與爲控搏  
所以學仙者凌空怡妙顏質化入常寂凝暉托空山  
據會觀往來生死何足患妙哉太朴子難爲世上言

次韻危太朴讀書山中見懷

得謝荷休澤消搖在巖阿結廬庇風雨樊圃塞藤蘿  
塞坐古人書日夕猶詠歌追念少壯日玩愒亦已多

競競事補塞柰此遲暮何美人百里內邈若隔山河  
興懷貽好音緼藉三春花報言慎芳歲卷石崇魏義  
玉隆留題

仙真治茲山重阜隱延廣冲奧元氣會運至法靈響  
與世作司命神宇廓弘敞及門春雨來玄感副夙仰  
摩挲晉時樹託身何蕭爽千載抱微息日月共來往  
欲爲黃髮期日待紫芝長上天垂光彩月出江海上  
故人不可待惆悵理歸鞅

黃堂留題

雲館息塵鞅夜聞春雨聲溪水傍階長仙華新綠生  
曉氣動原野曠分見夷平神真昔參合觀泉宅幽貞  
儼然師弟子歲來會秋清遺民千載後高寔從簫笙  
因嗟蚤好道晚歸濯冠纓矯首望遠海駕言羽翰成  
神仙在平地崎嶇愧凡情太乙有移召中洲良可營

記夢

夢行衡廬間千仞過蒼壁崇高仰神明深廣下不測  
雲雨蓄盤礴時至如欲出綰緼尚回旋揮霍忽奔逸  
物恠匿巖穴懣若俟霹靂黑波汎高樹木葉走崩石

升身登玄閣縱觀龍變跡俯視九州野草木有輝澤  
乃在風雨外手畫素三尺揮毫極動盪落墨更沈鬱  
圖成示坐人共笑不可得顧瞻以踟躕恍惚增歎息  
因之命肩輿出門聊有適大術何舒舒白鶴從數客  
畧經幽澗濱便上青松側憑高望遠水雙景蕩虛碧  
拂石共客坐芳草藉尻膝忽然聞鐘聲睡覺北牕席  
次韻表兄陳溪山先生檢履三首

頗憶蜀井西檢擱每易討

披心割魚子束皮充  
慧掃淅工巧紉履文織象花草

輕鬆隔沮洳緩步得堅好長跪獻圮下會期後三早  
知君貴踐履陟降恒有道憐我涉世深垂誠不待造  
兢兢歷淵冰縮縮奉師保時行不違矩庶懷歲年老

其二

解鳥還上方歸山揅枯槁禁足結僧夏陳編謝探討  
隱几或過晝疑塵遠志掃行庭不見之誰或踐生草  
寔由筋力衰無復馳走好前年當此時嚴召出城早  
追度龍門水賜見沙磧道鼎湖忽踰年始克罷趨造  
感君素履詠幽貞可長保番番茹芝人長歌豈知老

其三

六月乃屢雨良田不憂槁獨念桂林成解熱赴南討  
道路備機揅所過淨於掃縛人夜送軍吏卒何草草  
蠻獠亦人類義利啓戎好尋原可制亂機要貴及早  
夜來送者還頗言喝橫道諸軍四面集同日約皆造  
誰爲飢渴謀性命安可保藜藿雖滿槃對之令人老  
浮丘公吟寄赤城陳道士入山有遇爲溪山

壽

浮丘生上古形神蓋不泯說詩秦漢間安知非斯人

山俗苦淺迫無能信真淳雨雲不待族飛光越牕塵  
豈知有道者千歲一息勻金精歷可鍊色重無磨磷  
蒼蒼紫玄峰咫尺天北辰神明寂已定尊高此依因  
握機稟元化同流溥無垠所以赤城子從師踐荆榛  
三周日却中志確神乃親廬間玉雪相旭陽射光新  
稽首受餘啜骨換非昔民不遠恒在茲矐然願知津  
先生早有聞爲恭苦逡巡賤子請執御端輓駕飛鱗  
爲變理普化題陳宗紀所作龍眠山圖  
變侯起高科得邑舒水上民淳事稀簡田野甚夷曠

戰爭遺跡泯山水良足賞幽棲南昌尉英爽赤壁將  
古仙家白雲美人化黃壤岌岌龍眠山一士獨可尚  
高懷托千載妙畫極羣象向來讀書處春雨草木長  
夷猶昔賢遠瑤席共來享彈琴坐終日微泉散清響  
來者安可期徘徊以怱悵畫圖記彷彿聊以慰遐想

和陳溪山韻

幽人慎素履古道思獨往曠日登高臺浮雲不足上  
丹砂鍊仙骨沆瀣濯神爽遠懷澄江淨耿若孤月朗  
河漢自傾注山川遐游想歛跡倦飛翼歸耕故時壤

好風從東來空谷感遺響  
詔書薦遺逸郡府屬高  
仰聊持東湖水往助敬亭賞

次韻陳溪山送蘭花

幽林有叢蘭青青秋不衰  
憐彼采藥人不識敷榮時  
涼風動綠葉清露生華滋  
世傳神農經圖書竟空披  
深根寄連茹藉以瓊瑰詞  
同心求為好豈但服食宜  
先民昔有言所貴希見知  
舊聞絕行仙晚有童孺姿  
南陽有黃華西山多紫芝  
度世未聞道咀嚼空莖枝  
湛一保冲氣執御正不奇  
靈苗無助長無為以熙怡

道園類集三

六

始信斷金利終古貞不移  
千載同一息敢忘君子期  
題張觀海所攜虛舟竹所二毛圖

虛舟倚亭臯脩竹相因依  
水木有清華魚鳥淡忘歸  
鵝羣晚色靜鶴羽傍林暉  
似是鑑湖曲幽棲掛朝衣  
古道曰已遠昔人相見稀  
蒼茫寫雲霧蓬壺是邪非  
送龍翔高獨峰東還

承 詔寫宮榜馳使出丹闕  
黃金射江海光景依日  
月邇來垂十載感遇嗟白髮  
神靈在雲漢畎畝慨明  
發祇園何潭潭夙志返超忽  
幽士住精舍諸妄久息

歌浩劫鑑山水高峰獨崑崙觀察勝願力知我心兀  
兀清風不可執振錫出林樾

贈琛楚后

手攜北山雲却上西江水月明洲渚生葉落風不起  
虛舟不移棹寒波釣金鯉銀河轉碧落北斗去天咫  
龍吟匣中劍虎躍弦上矢殺機誰敢當吹毛豈輕試  
貝葉啓千函木榻脫雙履惟應勝壁觀悠悠度年歲  
題東郊山房

秀挺東郊山雲氣常覆之林丘翳幽潛流泉發芳滋

盤桓在中谷良疇漾清陂開堂直岡景長年誦書詩  
孝友夙所敦求道遠有師雅志尚端潔凡近諒難知  
康樂昔賜履詠歌足遐思啓書訪前聞往跡無所遺  
瞻彼南澗松深根連喬枝亭亭植高節鬱鬱含令姿  
衆木不同泯悠哉副深期

為黃氏賦大雅詩

岐山鬱嗟峨鳴鳥昔有聞周公盛制作經綸以彌文  
朝士接燕饗勸勞兼賓軍肅雝述盛德工歌贊前勳  
流蕩桑濮靡何由返咸雲陳肆輒有見吳季真不羣



公子有古弦歷然宮徵分大雅忽有作青春日方殷  
高堂以居之樂康永欣欣

登宜春南軒書院新閣與嚴伯威經歷

茲郡多美泉小大各有神深潤浹温厚草木何光新  
披圖閱名世顧乃仙佛人退儉寡外驚懷哉此良民  
退之文既遠秦伯學未醇昔我朱與張遺言存縉紳  
東湖有新閣下臨南澗濱周眺忽已晚皎然仰空旻  
虹梁亘溪流落日車馬塵曾立間叢祠鐘鼓嚴昏晨  
江潭歎搖落名邦感宜春爲治古有道川原隨所因  
浩蕩無與語逝波絕垂綸

道園類稿卷三

秋堂詩二首爲吳彤作

閭巷多翫塵秋堂獨高深有子能讀書幽懷發長吟  
天高風露下澗泉落危岑神仙絕飲食穢濁無留沈  
所以聽夜誦共愛風滿林神清易以哀情長恐成淫  
大冶昔有作九牧歸吉金熬樞下五石工成振鴻音  
宣風萬物暢神祇肅有臨鳳鳥鳴岐山人文示來今  
候蟲入床下嗟我苦勞心

飈風拂高堂舊暑忽已除上堂具甘旨下堂列琴書  
垂紳夙夜至再拜問起居誦詩已三百習禮少壯餘  
納交君子室執御長者車爲樂古之道誰能笑其迂

題雪泉齋

長河沍凝合微泉自溫活蛟龍依以生抱困待春發  
南雪不到地泉流常在山飛英散絕澗流漸響潺湲  
融結各有方不息在無二觀茲保深長乃得養生理  
濯尊薦寒冽春陽向熙怡君子遠莫致永言以相貽

賦彭氏靜深堂

道園類集卷三

九

君子愴無欲淵然事幽潛貞居觀物初天機引休恬  
寂寂象愚朴容容無斁厭羣動不知止謀思墮鉤箔  
反息不及踵乘舟膠漸漸豈知本湛一不與利欲兼  
圖書發聖編受命孚不占戒慎保靈秀先機發微纖  
進善取損益閑存日惟嚴浩浩厚有積悠悠浸何淹  
盈科以時行小人慙屬屢虛堂積雨霽光風草侵簾  
空洞溥龍澤止水澄秋蟾善學在年富勇哉副遐瞻

題秋山行旅圖

春夏農務急新涼自征游飯糗旣盈橐治絲亦催裘

升高踐白石降觀索輕舟試問將何之結客趨神州  
珠光照連乘寶劍珊瑚鈎乘馬垂首帶縱日上高丘  
策名羽林郎談笑覓封侯大行何崔嵬日暮推回輈  
古木多悲風長途使人愁羸驂見木末足倦霜雪稠  
谷口何人耕禾麻正盈疇出門不及里酒饌相綢繆  
壯者酣以歌期頤醉而休安知萬里事有此千歲憂

題馬竹所所藏九歌圖

屈子久去國行吟山澤秋思君不復見婆娑感巫謳  
仰瞻貴神遠俯慨深篁幽衝波起浩蕩玄雲黯綢繆  
初陽翳扶桑莽蒼蕩海漚渺渺君夫人遺珙在中洲  
壽夭乘陰陽孰知制命由慨然長太息悲歌寫離憂  
想象以恂怛開卷令人愁

贈喻仁本

早從中州遊希孟實豪傑穹窿如喬嶽培塿謝軌躔  
侃侃買燈疏英主動容色賢子塵黃壤感痛解朝珎  
朝遊長白春暮踏亭月慨然得終身屢召不踐轍  
兵關中飢特起救焚烈反袂傷道窮委頓成隕絕  
賦詩哭遺直好事爲鑽碣爾來二十年江海鬢如雪

每興故人思遠道歎睽越忽逢喻先生江上倚舟楫  
父爲濟南客山川類能說共言中丞舊流水助嗚咽  
更出中丞書歲久字不滅交誼貴久要於焉見高節  
問君將何之束書向京國豈無同門士簪笏在周列  
觀人以其主論薦共持揭敢爲祿仕勤聊以誦明哲  
古人不可期長風起天末

題許愿夫抗雲樓

城居苦迫隘層闌上岌嶮措身方丈間千里心目超  
可以抗浮雲誰能顧塵囂擬峴有古臺遺碑正蕭條  
子固若星斗其魂安可招龐公輟耕際頗懷見凌霄  
賦詩托飛鳥長空何寥寥

足痛吟寄費隱

足痛不履地匡坐畏長傲令人讀道書聊以釋幽抱  
脩身身不衰此事聞頗早涉世得憂患時至遂枯槁  
茅簷苦聽雨更愁妨穫稻分當長飢吟稚子忽吾惱  
盈約固不齊受命白云造東家種薯芋健步常爲討  
沉聞東海上旅生如瓜棗食之可不死所嗟在遠道  
親往未必能駕言亦非好

書昔人出入西廣詩後

道路無險難  
征人故多傷  
窮愁一酌恩  
感舊忘他鄉  
九疑不能從  
二妃在瀟湘  
無以寫幽思  
吹笙爲鳳凰

宿紫極宮新樓

野人入城府  
且就雲房宿  
東瞻蘇翁亭  
南望孺子屋  
相從總君子  
寒夜對明燭  
閱世如雲煙  
進道貴金玉  
取泉總持井  
烹茶武夷曲  
踈梅折高枝  
蕭閒對晨旭  
欲寄高軒人  
脩眉遠山綠

送會稽宰進士夏仲善

道園類集卷三

三

會稽吾故鄉  
今喜得廉吏  
三仕彌固窮  
不愧親策士  
故鄉伊可懷  
西去廿餘世  
清流遠脩竹  
可想不可至  
知君垂朱紱  
吟嘯了公事  
還能探禹穴  
莽蒼思古始  
太守文字交  
僚佐足風致  
汎舟溪雪前  
列坐惠風次  
詩成可繕寫  
千里以相寄  
守達兼善也

題鄭同甫書帶草

六籍久將墜  
鄭君家多書  
韋編苦易絕  
掇拾收蟲魚  
幽草長春雨  
參差在庭除  
紉結可束素  
垂之仍有餘  
焉知廣文舍  
猶不如其居  
光風動交翠  
汗青羅綺疏

熠燿照屋壁煙雲隨卷舒春夢不可長蟾輝墮蒼虛  
故人舊題字使我增欷歔

歲寒吟

南昌昔將隱吳市遂不還茲土獨留跡丹氣留空山  
壺潤被草木含滋及蛸翺相望廿云遠雲中期妙顏

夢舊游諸友

三月三日午後隱几夢館閣諸舊游惝沒參坐陳  
衆仲舉盃相向曰旅甚思公亦知公之深思旅但  
不得見爾記得有詩六首其末句云萬死起俄忽

只是一思憶是孟浩然作爲是白居易子曰殆是  
孟詩但不記得感動而覺是年夏聞陳亡

隱几暮春兩夢見舊知識瑰奇秦漢刻墨本在東壁  
論辯如平時契闊增歎息就中東海生顏色殊不懌  
停盃不成飲執手道疇昔苦言孟浩然有句在胸臆  
萬死起俄忽只是一思憶

次韻陳溪山送搖扇

念我又坐雨貽詩遠來旬遙知治寸田隄防固嚴闔  
憂樂無雙懷蕩蕩義黃人自信知者稀虛名非所親

南薰待披拂感此時物新無由奉言笑泥塗滯周輪  
長筴豈手容招搖遺聞身受經浮丘伯老矣弟子申  
何以答佳貺執御從後塵火傳思爲薪烹魚旣河濱

紀夢二首

夢見二三子披服皆古人雲漢盛履舄山河儼冠紳  
言非世間辭虛音轉彌綸反思昔遺遠浩蕩不可陳  
睡覺日在樹空榻餘凝塵

東南多名山衰病嗟遠道夢中涉空虛黃鵠爲先導  
窮林冠晨霞遠水澹秋昊似在松喬間未覺黃綺老  
飢渴非所憂清露在幽草

道園類稿三

十四

送豫章熊太古兼寄蘇伯脩參政

豫章有家學禮樂不見收爲養不擇祿淒涼向炎州  
攬結桂樹枝誰爲玉雪謀十年一再見我老君白頭  
古劍光陸離繫以珊瑚鉤激昂文史間未愧班馬儔  
蘇君天下士定價琳琅球江漢方渺然爲我觀素秋  
長吟以相送明月在高樓

題金溪汪尉雲松巢畫卷

喬木多悲風卑枝安可居興懷有巢氏漠在邃古初

浮雲無定姿溶溶滿空虛脫身往從之一起千仞餘  
冉冉愁絕思悠悠隨卷舒白鶴千載來徘徊向匡廬  
乘蓋生紫煙捨此將焉如惟有南昌尉凌風一回車  
病起謝陳溪山及齋中諸友

良夜聽春雨清晨對晴昊沈疴適去體行庭寫幽抱  
鳴禽在嘉樹方池接生草扶策流水濱洒濯悅澤好  
幼穉勝犁鋤勤蓄慎相保歸還讀我書聖言事探討  
親朋一時來藜藿薦行潦敬恭奉天明松喬不知老

賦神蛙

人言國類三

七

曹南吳生出神蛙相示玄石光潤其口目臂足儼  
然如生脊有文點腹若容受蓋真蛙也不知何自  
而化石焉有博物者能辨之

貞女望歸夫穹窿化山骨飛揚洞中燕遇雨帖石窟  
古時蟾蜍精千載得仙術噓吸服元氣綿眇值通息  
形體雖尚存性情已非昔誤食至陰精返此太玄魄  
無乃書契初科斗抱殘墨猶與筆硯交君子同几格  
幽光感星宿靈氣生倏忽慎爾韞匱藏勿有蛟龍得  
錫圭神禹時因之問河伯



雍虞先生道園類稿卷之四

古詩七言

題周怡臨韓幹所畫唐玄宗出遊圖應制

開元盛事何人畫  
玉冠芙蓉御天馬  
從官騎步各有持  
移仗華清意閒暇  
宮花如錦照青春  
詔許傳看思占人不知身在瀛洲上  
親奉圖書侍紫宸

題董元夏景山口待渡圖應制

董元夏山何可得  
嘉木千章鐵作畫  
層巒總含雨氣潤  
百谷正受川光溢  
犬牙洲渚善狀洄  
澮江散落碣

道園類稿

石開山田何處無  
耕鑿尋源不得還  
徘徊柳下行人將有適  
臨流不度心為惻  
我楫孔堅舟孔安  
奉子以濟諒非難

題羅漢圖應制

神光炯炯視容直  
坐展兩足手按膝  
兩龍還入軍持水  
風衣拂着磐陀石  
深山海島非人間  
碧桃花開啼鳥閒  
法雲還為等慈起  
矍然飛錫無留難

題胡虔取水審部圖應制

龍車度磧輒三日  
老馬跑沙泉水溢  
囊囊盛滿不辭

勞徼外天山雪千尺君不見

聖明天子恩澤多旁及四海猶翕河昆蟲草木感餘  
潤日獻醴泉甘露多

賦洛川老人九十

洛川老人年九十鬚眉如畫身玉立錦袍金帶方烏  
巾手挽強弓無決拾八月平原秋氣高聞有狡獸依  
蓬蒿清晨上馬薄暮返累騎毛血懸韃囊身是前朝  
將家子生逢太平百無事都將英氣化高年何物小  
兒堪指使太守上言朝有恩束帛養牛兼上尊洛川  
老人過百歲擊壤爲歌傳子孫

道園雜書

二

題張令鹿門圖

張侯襄陽人深知襄陽樂十年宦學懷襄陽故托毫  
縑寫山郭老我不樂思蜀都人言嵩陽好隱居三十  
六峯常對面水竹田廬還可圖欲往不能心慄慄忽  
見新圖被山惱沙禽浦樹俱可人金澗石床爲誰好  
向來耆舊皆英雄駕言從之道焉從弄珠月冷識遊  
女沈劒潭深知臥龍八月霜晴水清淺聞道扁舟足  
廻轉何時古寺傍檀溪幾處殘碑在江峴呼鷹臺高

秋草多養魚池中蓮芡波蜀嵩未必不如此我今不  
遊奈老何張侯張侯早結屋莫待史詹爲君卜要着  
壠上課兒耕好在魚梁白沙曲

題吳興公畫馬

憶昔從公侍書殿天閑過目如飛電池邊儘有吮毫  
人神駿誰能誇獨擅公今騎鯨隘九州人間空復看  
驂騮惟應馭氣可相逐黃竹雪深千萬秋

又

百年外平却走馬立仗天閑常見畫蕭灘灘頭八十

道園雜詠

翁却寫西來大宛者高蹄如鐵項如鈎風鬣蕭蕭首  
啗秋常見貢來騎不得長嘶要蹴崑崙丘

湛湛行

湛湛天宇玄以黝星白如銀垂近人牛羊散漫草多  
露大帳中野傍無鄰去年八月羽書急婦女上馬小  
兒泣今年八月天子來身屬囊韉月中立

家兄孟脩父翰賦南還

大兄五月來作客八年不見頭總白五人兄弟四人  
在每憶中郎淚沾臆我家蜀西忠孝門無田無宅惟

書存兄雖筦庫實父蔭第竊餘澤承君恩文章不如  
仲氏好叔氏最少今亦老土郎十歲未知學嗟我何  
爲長遠道諸兒讀書俱不多又不力耕知奈何憂來  
每得二三友看花把酒臨風哦蜀山嗟峨歸未得盤  
盤先壠臨川側碧梧翠竹手所移應與青松各千尺  
南風吹雪河始冰兄歸烏帽何眾眾明年乞身向  
天子共讀父書歌太平

題吳興公墨竹

吳興畫竹不欲工腕指所至生秋風古來篆籀法已

絕止有木葉雕蠶蟲黃金錯刀交屈鐵太陰作兩山  
石裂蛟龍起陸真宰愁雲暗蒼梧泣湘血吳興之竹  
乃非竹吳興昔年面如玉波濤浩蕩江海空落月年  
年照秋屋

玉印歌

吳郡陸友仁得白玉方印其文曰衛青臨川王順  
伯審定爲漢物求賦此詩

將軍騎從公主時豈意刻玉爲文章珠襦已隨黃土  
化此物還同金鴈翔軍中只識長平侯西風木葉茂

陸秋人生卑微何可忽碌碌姓名誰見收

題達兼善御史所藏墨竹

蜀道荒涼多古木簷簷千尺相因依小年慣見今白  
髮杜宇夜啼愁不歸老可常作陵州守古墨蛟龍多  
入手春雷每恐破壁去神鼎空令夔魅走丹丘越人  
不到蜀脩葉何以能縱橫內府人家爛熳寫使可見  
之心亦驚江南御史龍頭客暫別那能不相憶知君  
深識篆籀文故作寒泉溜崖石

題畫鶴

道園類集

五

薛公少保昔畫鶴毛羽蕭條向寥廓通泉縣壁久微  
茫故物都非況城郭長鳴闊步貌閒暇解寫高情亦  
奇作田中芝草口應長石上松花晚猶落赤壁江深  
孤月小白雲野迴秋霄薄群帝相從絳節朝八公許  
製黃金藥誤嬰塵網跡易迷移召中洲夢如昨借懸  
素壁憶真侶忽有微風動林壑碧虛寥窅積雪高直  
過蕭臺絕栖泊

題畫

棠梨生竹間牽牛引蔓相因依晨華墜露天水碧斷

辭絡石爛斑  
次鷓鴣踏枝  
歲將暮蟋蟀在戶  
人當歸  
蕭條落墨人間  
稀蕭條落墨人間  
稀

題旦景初僉司畫

旦公山堂城東南  
畫圖古檜何毵毵  
城中無山有山  
癖直藉毫墨窮幽  
探旦公彈琴古檜  
下鬱鬱牕戶生  
晴嵐春風時來  
鶴鳴谷秋聲夜作  
龍吟潭

先皇晝坐群玉府  
內使趣召飛雙驂  
畢宏韋偃出中  
秘營丘北苑開  
滕絨是時旦公主  
舒卷一二文士相  
交參旦公歸來坐  
成想亦頗拈筆為  
椽楠伯熙奉

詔每有作礪柯相  
並將無慚嗟予懷  
歸亦已久摩挲  
老目百不堪山中  
豈乏真偃蹇可容  
白髮抽朝簪

題柯敬仲畫

予先世居隆州州  
治之後山石室翁  
守郡時隆爲  
陵州州事簡時來  
就吾家拾故紙背  
作茅蘭竹木  
之屬所得頗多吾  
幼時尚收得數紙  
今亦亡之丹  
丘生用文法作竹  
木而坡石過之近  
又以新意作  
墨花甚妙從子悅  
有眉山學官之行  
丹丘爲作此  
予愛而賦之

昔者老可守陵州守居北山吾故丘太守時來看山  
雨每盡紙背成滄洲老浦松煙色過重揮霍陰崖交  
劍矛百年離亂亡故物敝篋江南誰復收新圖篋管  
枝葉脩使我不樂思昔侯碧雞祠前杜宇叫玉女井  
上叢篁幽棠梨樹高青子落碧花翠蔓縈牽牛揚雄  
無家不歸老蠨蛸蟋蟀寒相求丹丘先生東海客何  
以見我空山秋蕭條破墨作清潤殘質刊落精英留  
陂陲重複分細草山石縈紆生亂流眉山學官莫厭  
冷言歸故鄉非遠遊石田茅屋儻可得萬里欲上東

吳舟百花潭深濯新錦持報以比珊瑚鈎

白翎雀歌

烏桓城下白翎雀雌雄相呼以爲樂平沙無樹托營  
巢八月雪深黃草薄君不見舊時飛燕在昭陽沈沈  
宮殿鎖鴛鴦芙蓉露冷秋宵末芍藥風暄春晝長

題李受益承旨作東平章萬戶繼志堂記後  
將軍腰間黃金符父兄功成百戰餘太平不復事弓  
馬秋雨高堂聞讀書門有喬松墓有草永言思之願  
終保幕中賓客誰屬文東魯儒生國元老

題柯敬仲畫

磯頭風急潮水長  
蒹葭蒼蒼繫魚榜  
青山一髮是江  
南  
白頭不歸神獨往  
幽篁繞屋茅覆簷  
木葉脫落秋  
滿  
簾買魚沽酒待明月  
定是黃州蘇子瞻  
子瞻文章  
世稀有  
謫向江波動  
星斗夜投斷岸發  
清嘯栖鶻驚  
飛  
恣蛟吼圖中風景  
偶相似欣然揮洒  
春雲開子瞻  
應是念鄉里  
還化江東孤鶴來

題高彥敬尚書趙子昂承旨共畫一軸爲戶  
部揚顯之侍郎作

道園雜詠

不見湖州三百年  
高公尚書生古燕  
西湖醉歸寫古  
木吳興爲補幽篁  
妍國朝名筆誰第  
一尚書醉後  
妙無敵老蛟欲起  
風雨來星墜天河  
化爲石趙公自  
是真天人獨與尚  
書情最親高懷古  
誼兩相得慘淡  
酬酢皆天真侍郎  
得此自京國使我  
觀之三嘆息今  
人何必非古人  
淪落文章付陳迹

酬蕭侯送蒲萄

蕭侯昔致蒲萄苗  
山童不灌三日焦  
宛西上品復親  
致手種總南自澆  
水一月當生一尺  
長移向江頭薛



初著秋深雨足馬乳重舉囊石厭青霞漿是時請侯  
當走馬來訪衰翁茅屋下酒酣舞劍傾一尊不信金  
盤露如瀉

題袁塵騶圖

驂騶食粟石每既立仗歸來汗如洗脫羈展轉聊自  
恣落花塵土隨身起君不見春雷起蟄龍欠伸霧擁  
雲蒸九河水

送胡士則

胡君著書昔同館長日擗床運犀管功臣遺事動如

送胡士則

七

山小小聲名何足筭 明光殿裏初進書紫衫束帶  
帽正烏 君王歡喜侍臣賀殿下風暄花萼舒是時  
親賜蒲萄酒歛灑玉杯先入手承恩歸去各西東共  
嘆文明古稀有胡君名冠三十人傳 詔與官顏色  
新寧辭闕下向田里得祿斗外緣為親頗聞山寺近  
官舍吟步長廊莫騎馬瀛州學士如堵墻新折琅玕  
待君寫

江樓看劍歌書吳興公劍銘後

豫章高秋宴江閣乃出此劍相娛樂當時冶鑄絕精

英土蝕沙沈更銷鏤遺質所存如冷電江光不與畫  
光却神光內闕氣逾深識察誰能動冥漠等閑千年  
不一試壯士酣歌謾揮霍嗟予衰朽雪滿顛空對涼  
風起天末或言江中有蛟孽當煩仙人下寥廓吾故  
臨風拂其鐐俾伏崖陰無敢作

與劉翼之

翼之劉忠肅公摯之後中書舍人震孫之孫也與  
予爲世契家故爲書丞相文集卷首詩三章并賦  
此

丞相昔遊泰山頂天風浩浩春晝永玉檢微茫不可  
求但覺靈霞熱丹雘白日人間如水流前代衣冠成  
古丘悠悠憂慮何足計直道十年橫素秋徂徠之松  
數千尺東連海上暮煙碧中書偉人如玉立每向南  
風望東北濁世公子何翩翩却憶匡廬還謫仙芙蓉  
出水耀初日五色光新天爲妍我今僑居廬阜側西  
視我眉歸未得豈無雲錦晚相娛月落終懷雪山白  
森森喬木魯東家河間禮樂更光華勿忘先世舊游  
處吾秣爾馬膏其車

題畫

連昌宮裏古墻陰積雨過春黃竹深老樹無枝交屈  
鐵立石有書名錯金吮毫池上寫幽鳥承恩春日風  
光好當時執戟今白頭却對蕭森倚秋昊

空山歌

高空之山聶公宅稚川作圖纔數尺秋天薄雲千仞  
表春雨喬林百年物憶昔侍郎鎮成都將佐盈庭賓  
客趨錦官城外笳鼓發駟馬橋邊高蓋車先廬舊在  
小東郭丞相祠堂同寂寞嚴公或訪杜陵家退之亦

到淮西模我眉差我久不歸江水娛人秋日暉坐看  
蓬萊變桑海自古南城天下稀公子親迎陳氏館我  
初至撫猶弱冠看君揮翰甚風流豈想重逢鬢毛換  
君言中間一再來數見先公胸次開鶯花風雨必求  
友水竹園林持酒杯嗟予晚歲始能退寧有文章驚  
海內平生不受簡書畏故家高致君應最圖中山色  
積翠濃雖欲舍子將焉從蜀人相如最能賦行倚山  
木歌高空

為慶元溥題鼇溪春曉圖

芙蓉山陽萬家邑石嶺戴轍縈紆入溪水西行夜雨  
深連村桑柘春雲濕昔因荒迴少官府日莫孤兔作  
人立自從置縣二百年稍有衣冠更俗習讀書進士  
比舍聞潤屋黃金亦家給山中白日浮雲多負乘因  
仍足車笠變侯世胄國勲舊射策君門恥泐襲朱衣  
作監列星宿遠人豈意高軒及接琴不鼓書牒稀彈  
絃無魚賓客集繡衣使者停車見黃堂大夫下床揖  
登高望遠送飛鴻攬轡駸駸度原隰人言桐鄉人愛  
我我愛桐鄉重於悒畫圖千疊山木稠菱舍蕭條莫  
忘葺

題柳塘野鴨圖

江南水退秋光淺風柳參差萬絲捲鴛鴦在梁鳧在  
渚蕩蕩扁舟去家遠千艘轉海古長策白粲連江動  
秋色斷蒲折葦野水閉爛爛明星且將弋翠盤擎露  
夜深寒玉色亭亭落月殘太液池頭黃鵠下夢中曾  
見畫中看

題江貫道江山平遠圖

江參去世二百年翰墨零落多無傳人間幾人寫山

水誰能意在揮毫前昨見石林舊家物春雷豐嶂初  
破墨我和葉詩頗豪放三者相望都突兀險危易好  
平遠難如此千里數尺間高雲舒卷非散地麗日照  
耀皆名山我持美脯酒一斗墨汁盈盤可濡首江生  
精神作此山向山呼生當至否高秋銀漢天無雲惟  
中冷然來夜分黃茅嶺頭華蓋頂畫我獨訪浮丘君

題汪華玉所藏長江萬鴉圖

雲巢幽人愛江渚抽思揮毫寫橫素波瀾不驚潦水  
盡秋氣晶明絕煙霧征帆去棹不相襲岸曲洲旋總

堪賦孤村城市儘如蠟百丈牽江直如縷蕭蕭木葉  
洞庭波歷歷晴川漢陽樹蒹葭宿鴈天欲霜叢葦寒  
鴉日云暮就中樓觀何王宮想見華年貯歌舞丹青  
倒景駭靈怪粉黛含情怨幽阻青春游子憺忘歸白  
日冷風帳中語人間遺跡何足留最惜精思墮塵土  
郭熙平遠無散地小米蒼茫托天趣銛鋒鉞戟不破  
墨刻畫晶瑩昔誰苦渤海細書藝文草精絕戈波絕  
回互南唐後王萬鴉圖點點晨光動毛羽昔年曾見  
今日昏雖復逢之亦難睹汪侯此卷出世家相示

攀極愁予香奩犀軸見者稀謾錄餘情後來者

題盤車圖

大車麟麟牛駕乾西望大行雪千尺往時飛挽實長  
安百兩仰關過阡陌亂流十里九屈曲水濺車箱沙  
沒轂前和後應日云暮王事有程車下宿旂旄央央  
昔臨洛東南會期出方嶽侯伯有位賦有差載幣瞻  
迎來若若君不見海艘百萬乘天風京坻連雲多腐  
紅 天子視朝大明宮千乘萬騎來何雄

贈費隱

詩目類集

四

東望雲林三十六聞有仙人結茅屋清露零零采紫  
芝白雪深深斲黃獨國初山下苦流離義士傾家救  
世危百年孫子俱華髮誰解燈前說舊時 聖恩深  
重絕征戰猶慮寒溫資瞑眩身着黃冠寫古方薄素  
細書三十卷相從寂寞久者誰禹穴山頭一布衣鬢  
如鴉羽顏如雪跳入壺中夜不歸市人扣門呼不應  
光影俱消聲色泯但言解隱不言無不道本無何所  
隱我欲作丹須水金人間無藥不堪尋青霞如練還  
相覓華蓋衝天文室深

題韓幹畫馬

韓生觀馬十二閑時寫一二傳人間坡翁嘗來伯時  
宅見此遺跡開衰顏前行如雲塵不動後者追風絕  
飛鞚昔人能事已何能始覺賞識非虛諷昔觀秘府  
韓絕少得見龍眠已驚倒使人讀書如見畫人中豈  
復生坡老五雲之中天上奇代產名駒天子騎神明  
尚留後古見莫嘆韓生非畫師

題秦虢二夫人承召遊華清宮圖

貴人並鞚如輕鴻承恩持入華清宮道途先不止行  
客策蹇奔趨烏帽風突囊墜地何足拾豈有篇章浪  
相及畫史當時妙墨傳光彩流動狂情急君不見白  
頭拾遺徒步歸明眸皓齒事皆非朝天泥滑袖封事  
高閣雨餘宮漏稀

方方壺畫山水歌

方壺之山在海中世人欲見知無從壺中仙人閔昏  
濁綵筆手開三五峯亭亭兩箇老松樹萬壑千崖閱  
今古憶昔長從王子喬坐聽秋風最高處世人畫山  
非不多不識真山知奈何君看崑崙上丹穴芝泉玉

樹森婆娑東望方壺應不遠飛度九州如過電便從  
海上問金公莫待浮杯水清淺

示安民

憶我蚤歲離親側足自跋跋心惻惻中年祿廩不及  
養人羨清華已驚惕歸來老病五年餘閔子謀食躬  
犁鋤蓬蒿羅生果竅異蛛網微細仍縈紆星河江上  
喜非遠况與良朋適我願故人念我一相見暑中尚  
慎拖褱轉

陳所翁畫龍

道園類集

十六

陳容生閩嶠之東骨氣生硬如老龍每拈秃筆掃風  
雨自寫其真非畫工曾為吾家作雙劍采石波濤天  
下險巴山昨夜春水多素壁高垂戶長掩

與族姪孫從善

白頭喜見族諸孫清門為庶夫何言成都桑柘日已  
廢儘有遺書堪討論風花寒食江上路墟墓興哀慚  
一殮憐爾篤實可進學竭力孝敬思生存

射虎歌

州人布矢如蒿蓬半夜射殺南山雄捲皮帶雪送官



府割肉大嚼千夫同前日東家牛盡啗犬豕無遺人  
落膽不知世有李將軍擊鼓報神聲坎坎

寄謝南雄楊太守送桃竹杖

梓潼使君今南雄江心紫玉寄野翁扶持恐是蛟龍  
化騰躍似與猿猱同十年乞身不待老鄉人飲酒歌  
年豐君不見太乙之精在天上青藜滿地如蒿蓬

送人遊廬山

我愛江上之廬山山止不動江不還紫雲冠嶺危石  
古白鷗衝雨春波閑浩然始見潯陽浦太白欲托雲

松間河嶽蕭條二子死神靈恍惚千年慳昔我尋春  
入幽竹有人抱甕開深關遂從鳥道陟高險一窺虎  
跡聽潺湲似聞餘磬開石壁恐是化入非人寰霜崖  
石櫃成異物銀釵負薪多老鬢嗟我老病難再往羨  
子較轡無留艱攬衣步出石頭渡解舟竟到星子灣  
沈吟三月煙草碧悵望千里楓林丹猿驚鶴怨酬好  
語水流花開亦妙顏束帶他年事朝請躡屐安得窮  
躋攀行矣此日不再得空山落日騎黃斑

題鍾生清露軒

江西諸侯好賓客彈鋏歸來無愧色學舍如舟安足  
居白髮秋風岸高憤鏗爾舍瑟還讀書上天繁露垂  
庭除河清有頌芝有曲爲我長歌傾玉壺

題汪華玉所藏李息齋古木竹石圖

帝城佛刹西南曲數仞高堂十尋木亦有幽篁春筍  
生顛倒橫斜亂寒玉空庭月落蛟龍舞阿閣雲閒孔  
鸞宿大德年中最熙洽四海無虞年穀熟 聖人護  
念如慈雲粉金寫經五千軸吳興先生承詔起精藝  
東南遂空谷橫牕曲几擅清雅寶氣龍香散芬郁我

時布衣初到京隨客來觀嗟不足棲遲至人到延祐  
墜緒遺經蒙見錄 聖明天子心廣大仁孝東宮協  
淵穆金殿朝回即薦賢鳴鳳高梧麗晨旭白頭寺主  
愛文學游龍流水來相續黃鸝遶樹鳩喚雨晴絲入  
戶階眠鹿中書右府尙多暇況復西清澹春服薊丘  
李公年甚高親書篋當試拈禿南風堂上住多日好  
聽晨鐘赴僧粥枯梢長葉風雨來老可黃華俱眷屬  
揮毫相軋李河東共悼房山渺江陸曹南老商亦有  
名拂素先傾酒千斛蜀人仲淵不會盡側帽長吟動

華屋寒予冷撰從諸公元然坐隅若鴻鵠風雲月露  
不計時聚散悲歡歲年促汪侯何處得此圖其長丈  
餘高尺六松檜蒼茫轉樹腰鐵石差我偃山腹昔人  
不見今人老空憶臨風對森矗後來把筆誰最能閣  
下丹丘嘆幽獨今渠見此會傷神況我茅簷指病目  
文章精彩寧復還天上華星光煜煜

題趙伯高所藏楊補之松竹梅畫

卉木何情同歲寒君子合并嗟獨難冰霜滿地風景  
異清脩古節來毫端南渡衣冠憶初合萑葦兼葭總  
蕭颯長身玉立古顏貌欲選疎英變殘蠟西都昔者  
盡功臣良工健筆隨風塵尺書黃髮共來往誰見留  
侯如婦人江上幽人有真迹俯仰興亡寫今昔丘園  
偃蹇非不多獨想高懷淚沾臆

書昔人出入西廣詩後

戈船將軍昔南下樓檣衝波當車馬臨流橫槊昔爲  
誰遷客騷人能賦者桂林近時蠻獠息營帳酬功頗  
優暇伏波銅柱高差我路險難兮莫相嚇

送程楚公子叔賓官海上

立皇任使無南北楚公薦賢動江國當年臺閣多門  
生富有文華在賓客世家貴游少者佳祕書奉禮差  
可階青衫筦庫東海上極目天津思汎槎豫章得君  
豈忘舊引之清波一援手鶯花三月玉堂深共啓黃  
封賜來酒

題柯敬仲墨竹

江心石上起煙霧隨意琅玕寫無數就中欲覓釣魚  
竿濯足滄浪歲年暮君不見白髮天台鄭廣文前身  
畫師今更聞請看翡翠三珠樹猶是蓬萊五色雲

題柯敬仲畫松

丹丘寫松臨石湖一樹偃蹇一樹枯長年偃蹇色深  
黛枯者鐵石能相待令人最憶寒山子曾見松生此  
山裏時來石上自閒吟解聽天風半空起

題按弓圖

朔風蕭蕭沙草枯避暑南還八月初貴人退食坐平  
蕪白日皎皎寒雲除左擎蒼鷹右韓盧手調繁弱矢  
滿壺馬驕不受轡勒拘奚奴前執奔塵趨小者伏兔  
大者蒐上馬一擊將無餘養勇大發神氣舒徒御遠

合獲不虛首獻上殺富甞能連車載橐來徐徐大庖  
賜燕日未晡蕭蕭笳鼓環周廬天子萬壽臣歡娛  
我昔扈從行兩都每欲賦此嗟才踈江村父老相攜  
扶數尺茅簷觀畫圖

玄潭觀劍歌

新年風雨盡多晦解纜東辭白沙外玄潭觀中有古  
劍倚棹求觀鬼神會陰崖中斷如截肪玄水泓淳受  
前隘欲令開匣猶未敢惟恐雷霆走光怪至神不殺  
跡已空藏器幽深欲何待孤蓬歸坐燈影微客爲高  
歌聊一快鄰舟借具知有無擬掣寒蛟斫春鱸

題蘇東坡遊赤壁圖

黃州江上霜月白蘇子汎舟攜二客虬龍虎豹木石  
間玉宇瓊樓歸未得主家遺玦珊瑚鉤丹青一幅千  
金酬惆悵圖窮見黃鶴白雲千載空悠悠

題劉伯溫監憲所藏雪山圖

我家成都雪山東公家張掖雪山北吳船誰載鄭廣  
文起寫崑崙半天白張掖雪融草木長禾生隴畝多  
牛羊烽火連臺擬樓觀江海微茫秋練光著書東觀

夜如水太一燃藜照圖史從游冠帶文武備斐然四  
郡良家子君不見黃河奔流百谷盈神禹䟽鑿中州  
平極天鳥道雲氣盡惟北有斗西長庚

題劉光遠琴泉詩卷後

長沙老人種桐梓手斲為琴度宮徵彈得流泉石上  
聲只有巢由能洗耳當時誰與制此名前朝丞相賢  
公子黃金不成白髮短聊以高情付山水公子飛仙  
老人在目送歸鴻秋萬里老人有子前為壽願翁千  
歲長如此已將朱神拂雲和更釀清泉設重几

題游弘道所藏劉伯熙畫

燕城建都將百年喬林往往遼金前宮中屏帳愛奇  
古每托畫手馳風煙房山絕筆商山老內府人家跡  
如掃畫苑今惟劉伯熙白髮承恩最偏好西山古寺  
劫火餘斧斤所赦遺殘枯久經霜雪如鐵石膏沐雨  
露還扶踈一夕書帷侍清宴有 詔令熙寫畿縣編  
圖形勝到巖壑直幹交柯每盈卷游侯綠從自當時  
閣下庭前屢見之朝衣佐守南海上袖卷龍髯雷雨  
擊高堂風動海水立江嶽驚奔鬼神泣禁直岩巖翠

登高誰識行蹤露華濕徂徠新甫何足攀巴丘正似  
青城山人間彈指千百歲大夫與我俱蒼顏

謝王負外贈古銅帶鈎劍璆歌

金銅帶鈎屈鷓首綠玉沈沈世稀有古人佩劍之所  
遺虛琤尚凝光射斗腰圍老去忘繫拘空服書紳重  
有餘奇哉二物君子贈敢與礪燧同縈紆古者弦韋  
皆有托視我斷金庶毋怍循循偃蹇長在手神化翻  
愁入寥廓劍能使我無邪心握之在本用在鐔利鈍  
行藏兩無有一寸空閒通古今他日東行尋禹穴何  
以酬之掇明月白雲滿地歸去來不待傍人三奉珠

天涯山歌爲崢山公賦

大鹵之虛山有崢彊晉名都古城郭

太帝親征西極還命總師干理鄣鄂三世專居二百  
年公孫御史籌帷幙興言諫諍國體重抗論陵夷鄙  
夫怍九衢塵土迷白晝萬里天風飛一鷲連山長城  
下平曠孤秀斬巖自天落安車夷猶奉玉母咫尺天  
涯下磅礴振河載華坤軸穩捫參歷井天梯鑿六合  
高敞竅空洞日月容光陰氣薄春艤翡翠擁煙霧秋

水芙蓉淬鋒鏑東游漫愛華不注西行不到秦關豈  
尚方宮闕何所有回首穹窿起龍漠天山舊音本雄  
渾孤鳳一鳴冠阿閣蒼茫石鼓難爲聲野水寒雲不  
堪酢奉祀曾過軒轅臺俯仰高深歎今昨汾波橫出  
衝黃流長感秋歌入寥廓卷石東南雖有聞安得停  
車徧丘壑元姚自是一世豪若比公詩少揮霍有  
詔無容極幽賞黃木扶胥求海若前茅度嶺建旌纛  
後吹凌波雜簫箏馬飲清泉榕樹陰鴈隨飛雪梅花  
萼退食委蛇幕府清明月懸空夜城柝橫槊高吟動

鬼神轉鈞妙手隨斟酌坐令刀劍化牛犢夾岸鯨鯢  
貫蛟鱷閭風玄圃在天外玉振金聲爲誰作雅歌緩  
帶有餘暇直道高情無宿諾百粵皆知白水心羣魚  
莫恃黃金橐 國家將相眞有人中外均勞正參錯  
請開雲漢分天章歸理咸韶奏嘉樂老夫當與園綺  
徒仰聽鈞天佇耕穫


三鳳行贈海東之

海東之兄弟三人如鳳凰胸臆羽翮皆文章九年三  
入天門翔伯沖天季驚人一日四海皆知名東之之




文五采雲見者眩晃生昭昏三進三已之了若耳不  
聞二人得之喜未足云東之不愠乃可尊東書江上  
還見親君子之樂樂最真君不見匡廬之山嶮崿而  
嵯峨左界豫章諸川匯爲蠡番其陰千源浩浩千岷  
沱山氣東鬱不得去上衝爲紫蓋直與天相摩爲雲  
覆八極爲雨漲九河海東之汝能觀山以成德其進  
蓋未可量也偶爾小訕奈爾何

雍虞先生道園類豪卷之四







盛乎臣集謹奉 詔爲之銘曰

太祖膺命神武載揚顧瞻中原紀綱萬方于時豪傑  
四面而至有智有畧燕有奇士褻然來朝造膝晤言  
諮詢孔周屬之盱眙既勤既老嘉爾黃髮入侍帷幄  
出從征伐享帝養賢大身維時守道以官蓋取諸願  
世祖建國百度維作羣公受職世臣是若嗟嗟與公  
夙已見奇承厥父祖祇奉鼎彝歷事

成宗 武考 仁朝靖共于位有正無撓忠愛之誠

豈爲燕私自邇及遐振其寒飢歲大雨雪朔漠告病  
往拯往哺公爲之請

武皇在邊熊羆如林爾公爾侯干城腹心乃續大統  
迺有大賚乃出金貝泉幣裘帶至於朔陞宣旨勞勛  
往咨大師盛饗於軍大車彭彭載酒餼戡部曲羅絡  
均飯同醉賢王將臣合言來聞曰茲虎士感公之勤  
天子賞功命長其屬公雖再辭三錫逾篤盜臣肆欺  
竊取貨寶公曰不可是謂不道雖能奪之而怨已  
患失之私實蓄厥心盜之患失於國猶忍彼忌則憚  
以構忠蓋可殺者身不磨者名我忠彼姦不係死生